



НИЙСЛЭЛИЙН ЗАСАГ ДАРГЫН
ЗАХИРАМЖ

2007 оны 7 сарын 16 өдөр

Дугаар 329

Улаанбаатар хот

Байгууллагын нэр өөрчилж, дүрэм
батлах тухай

Монгол Улсын “Засаг захиргаа, нутаг дэвсгэрийн нэгж, түүний удирдлагын тухай” хуулийн 29 дүгээр зүйлийн 29.2 дахь заалтыг үндэслэн ЗАХИРАМЖЛАХ НЬ:

Нэг. Нийслэлийн Засаг даргын Тамгын газрын Авто баазыг “Нийслэлийн төр захиргааны авто бааз” нэртэй болгон өөрчилж, авто баазын дүрмийг хавсралтаар шинэчлэн баталсугай.

Хоёр. Авто баазын дүрмийн хэрэгжилтэнд хяналт тавьж ажиллахыг Тамгын газар /Ц.Болдсайхан/-т үүрэг болгосугай.

Гурав. Энэ захирамж гарсантай холбогдуулан Нийслэлийн Засаг даргын 2001 оны 48 дугаар захирамжийг хүчингүй болсонд тооцсугай.



НИЙСЛЭЛИЙН ЗАСАГ ДАРГА
БӨГӨӨД УЛААНБААТАР
ХОТЫН ЗАХИРАГЧ

Ц.БАТБАЯР



НИЙСЛЭЛИЙН ТӨР ЗАХИРГААНЫ АВТО БААЗЫН ЛУУГАЗАР/ ДҮРЭМ

НЭГ. НИЙТЛЭГ ҮНДЭСЛЭЛ

1.1 Нийслэлийн Төр захирааны Авто бааз нь /цаашид “Авто бааз” гэх/ Нийслэлийн Засаг даргын хэрэгжүүлэгч агентлагууд, дүүргийн Засаг даргын Тамгын газруудын аяааа ажлын үйлчилгээнд автомашинаар үйлчлэх, Нийслэлийн Засаг даргын үйл ажиллагааны хөтөлбөр, чиглэлд тусгагдсан бодлого, удирдамжийг хэрэгжүүлэх үүрэг бүхий өөрөө өөрийгөө санхүүжүүлэх зарчмаар ажиллах Нийслэлийн Өмчит улсын үйлдвэрийн газар мөн.

1.2 Авто баазын зорилго нь Нийслэлийн Засаг захиргаанаас гаргасан чиг бодлого, шийдвэрийг хэрэгжүүлэх ажлыг зохион байгуулж, гүйцэтгэх, Төрийн үйлчилгээнд мэргэжлийн өндөр чадвартай боловсон хүчнээр үйлчилж, хүлээсэн үүргээ соёлтой, шуурхай чанартай биелүүлэхэд оршино.

1.3 Авто бааз нь үйл ажиллагаандаа Монгол улсын Үндсэн хууль, Нийслэлийн эрх зүйн байдлын тухай хууль, Төрийн болон орон нутгийн өмчийн тухай хууль, Засаг захиргаа нутаг дэвсгэрийн нэгж, түүний удирдлагын тухай, Хөдөлмөрийн тухай хууль, Авто тээврийн тухай хууль болон холбогдох бусад хууль тогтоомж, МУ-ын Засгийн газар, Нийслэлийн Иргэдийн Төлөөлөгчдийн хурал, Нийслэлийн Засаг даргын захирамж, тогтоол, шийдвэр, байгууллагын дүрмийг удирдлага болгон ажиллана.

1.4 Авто бааз нь тогтоогдсон журмаар хийсэн тамга, тэмдэг, албан бичгийн хэвлэмэл хуудас болон банкны харилцах данстай байна.

1.5 Авто бааз нь Улаанбаатар хот Сүхбаатар дүүрэг, Их тойруу-20-д оршино.

ХОЁР. УДИРДЛАГА ЗОХИОН БАЙГУУЛАЛТ

2.1 Нийслэлийн Засаг дарга бөгөөд Улаанбаатар хотын захирагч тус авто баазын даргыг ажилд томилох буюу ажлаас чөлөөлнө.

2.2 Авто бааз нь Нийслэлийн Засаг дарга, орлогч, Тамгын газрын дарга болон Нийслэлийн Өмчийн харилцааны газрын удирдлагад байгууллагын үйл ажиллагааны явц, ажлаа танилцуулж, тайлагнана.

2.3 Авто баазын дарга нь төсвийн Ерөнхийлөн захирагчтай “Бүтээгдэхүүн нийлүүлэх үр дүнгийн гэрээ” байгуулж ажиллана.

2.4 Авто баазын даргыг ээлжийн амралт, өвчтэй, чөлөөтэй, удаан хугацааны сургалт, томилолтын хугацаанд Нийслэлийн Төр захиргааны авто баазын ерөнхий инженер орлоно.

2.5 Авто баазын дарга нь авто баазын эрхэм зорилго, зорилт, чиг үүргийг хэрэгжүүлж, эрхлэх асуудлын хүрээнд тушаал шийдвэр гаргана.

2.6 Авто баазын дарга нь батлагдсан орон тоо, бүтэц зохион байгуулалтыг үндэслэн ажиллагсдыг ажилд томилох, чөлөөлөх, хөдөлмөрийн гэрээ байгуулан ажиллана

2.7 Батлагдсан хөрөнгийг зориулалтын дагуу захиран зарцуулна.

2.8 Ажилтнуудын ажлын гүйцэтгэлээр үнэлэлт, дүгнэлт өгч, дотоод журмын дагуу шагнаж урамшуулах, сахилгын шийтгэл ногдуулах, нийгмийн асуудлыг шийдэх, гадаад, дотоодын сургалтанд хамруулж ажиллана.

2.9 Ажилтнуудын эрүүл мэндийг хамгаалах, чөлөөт цагийг зөв зохистой өнгөрүүлэх, ажлын байрны тав тух, соёлыг дээшлүүлэх ажлыг зохион байгуулна.

2.10 Авто баазын дарга Хууль, удирдах дээд байгууллага болон энэ дүрмээр олгогдсон бусад эрхийг эдэлнэ.

ГУРАВ. САНХҮҮЖИЛТ

3.1 Авто бааз нь Төрийн ажил үйлчилгээг үзүүлсэний үндсэн дээр өөрөө өөрийгөө санхүүжүүлэх зарчмаар алдагдалгүй ажиллана.

3.2 Авто баазын орлого нь Нийслэлийн Засаг даргын хэрэгжүүлэгч агентлагууд, дүүргүүдэд тээврийн үйлчилгээг үзүүлсэний болон бусад орлогоос бүрдэнэ.

ДӨРӨВ. АВТО БААЗЫН ҮҮРЭГ

4.1 Авто баазын дарга нь тухайн жилийн үйл ажиллагааны зорилтот түвшинг тодорхойлон автобаазын ашиг орлогыг нэмэгдүүлэх, чанарыг дээшлүүлэх талаар асуудал боловсруулж шийдвэрлүүлэх, түүнийг хэрэгжүүлэх ажлыг удирдан зохион байгуулах үндсэн үүрэг хүлээнэ.

4.2 Авто баазын санхүүгийн тогтвортой байдлыг хангаж, техник техно логи, 'арк ашиглалтыг сайжруулах, хөдөлмөрийн бүтээмжийг дээшлүүлж, өртөг зардлыг багасгах

4.3 Нийслэлийн Засаг даргын захирамжаар батлагдсан автомашин хэрэглэх эрх бүхий албан тушаалтан, байгууллагатай хууль тогтоомжийн хүрээнд ажил үйлчилгээний гэрээ байгуулах

4.4 Үйлчилгээнд явж байгаа авто тээврийн хэрэгслийн болон Төрийн үйлчилгээний соёлд тавигдах шаардлага, стандарт, норм, нормативыг мөрдөх, соёлч боловсон, шуурхай, чирэгдэлгүй үйлчлэх

4.5 Монгол улсын Нягтлан бодох бүртгэлийн хуулинд заасан журмын дагуу анхан шатны бүртгэлийг хөтөлж, тайлан балансыг зохих хугацаанд гаргах

4.6 Авто бааз нь өмч хөрөнгийн хадгалалт, хамгаалалтын байдалд өдөр тутам тавих хяналтыг зохион байгуулах, эд хөрөнгийн дотоодын тооллогыг Төрийн болон орон нутгийн өмчийн тухай хуулинд заасан журам, хугацааны дагуу явуулах

4.7 Шатахуун, тослох материал, автомашины сэлбэг, дулаан, цахилгаан, усны үнэ нэмэгдэхэд үйлчилгээний үнэ тарифыг өөрчлөх саналыг Нийслэлийн Засаг даргын тамгын газар бусад холбогдох газруудтай хамтран боловсруулан Нийслэлийн Засаг даргад танилцуулан, шийдвэрлүүлэн, мөрдөж ажиллах

ТАВ. АВТОБААЗЫН ЭРХ

5.1 Авто баазын хөрөнгийг Монгол улсын Төрийн болон орон нутгийн өмчийн тухай хууль болон бусад холбогдох хууль тогтоомжийн дагуу энэхүү дүрэмд заасан үйл ажиллагааныхаа зорилгод нийцүүлэн эзэмших, захиран зарцуулах

5.2 Авто баазын хариуцах асуудлаар гадаад орны болон өөрийн улсын холбогдох байгууллагатай бие даан харилцах, гэрээ байгуулах, хэлцэл хийх Нийслэлийн Засаг даргын зөвшөөрөлтэйгээр гэрээ байгуулах, бусад асуудлаар хамтран ажиллах

5.3 Нийслэлийн Засаг дарга бөгөөд Улаанбаатар хотын захирагч болон Өмчийн харилцааны газрын даргын зөвшөөрлөөр норм хугацаа дууссан автомашин, тоног төхөөрөмжийг бусдад худалдах, шилжүүлэх, данснаас хасах, түрээслэх .